

Alexandri VIII. feriens hanc propositionem decimam inter triginta & unam : *Intentio, quâ quis detestatur malum, & prosequitur bonum, merè ut cœlestem obtingat gloriam, non est recta, nec Deo placens.* Convenit quoque Articulus cum propositione illic damnata duodecimā, decimatertia, decimaquartā, & decimaquintā.

Articulus quinquagesimus frustaneam statuit orationem omnem ex motivo justitiae, misericordiae, spei, timoris Dei, & gehennæ ; ita ut una præpostere exaltetur Charitas, virtutes cæteræ destruantur.

Articulus quinquagesimus primus dupli laborat errore, statuens Fidem semper justificare dum operatur : nec operari nisi per Charitatem ; ubi peccatoribus cadentibus omnis actus Fidei abrogatur, adverfante Tridentino fefs. 6. cap. 15. & can. 28. cum Alexandro VIII. Pontifice in decreto contra propositiones 31. proposit. 12.

Eandem Tridentinæ Synodi, & Decreti Alexandrini damnationem incurrit Articulus quinquagesimus secundus.

Omnium virtutum, etiam Fidei, & Spei actus à Charitatis actu separatos subruit Articulus quinquagesimustertius, & in omnes incidit censuras damnatarum propositionum, quas indicavi ad Articulum quadragesimum nonum.

Iisdem laborant vitiis, iisdem censuris subjacent quinque Articuli sequentes.

Terribilis, sed & perniciosissimus magnis peccatoribus est Articulus quinquagesimus nonus, dum præcipuum eis penitentiæ, & conversionis à Deo impetranda modum, orationem eripit. Quomodo enim serio convertere se volens orare poterit, si novum ei oratio peccatum sit, cui nihil concedatur, nisi novum in orantem judicium?

Quàm Tu sollicitè, o bone JESU, homines à peccatis avertere conatus es, terrorem salutiferum incutiendo ignis æterni, tenebrarum exteriorum, stridoris dentium, &c. Tam operosè Author Observationum moralium Articulo sexagesimo, & septem seqq. ab eo timore omnes retrahere nititur, manifestè repugnans Trid. Conc. fefs. 14.c. 4. & Decreto Alex. VIII. contra prop. 14. *Timor gehennæ non est supernaturalis, & 15. Attrito, quæ gehennæ, & pœnarū metu concipitur, sive dilectione benevolentie Dei propter se, non est bonus metus, & supernaturalis.*

Quam Articuli præcedentes nimis arctam reddiderant viam salutis, nimium latam pandit sexagesimus octavus, ita Abbrevians viam salutis, ut claudat totum in Fide, & precibus. Ita eleemosynæ, jejunia, & cætera pœnitentiæ, misericordiae, aliarumque virtutum opera, à salutis semita excluduntur, magno hominum sensibus indulgere volentium commodo. Vix scio, an ulla quidquam laxius haetenus hæresis finixerit.

Articulus sexagesimus nonus, obtenu subdolo exaltandi gratiæ tuae beneficium, destruit meritum; nam donum puræ liberalitatis, cui tribuit non solum fidem; sed etiam usum, augmentum, præmium, omnem propriam meriti rationem excludit; quam hæresim tua semper Ecclesia detestata est, cum Oecumenica Synodo Trident. fefs. 6. can. 3 2.

Articulus septuagesimus tuæ sanctissimæ humanitati, purissimæ, & penitus immaculatæ Genitrici injurius est: juxta quem nunquam Deus affligit innocentes: & afflictiones semper serviant vel ad puniendum peccatum, vel ad purificandum peccatorem. Repugnat sacræ paginis, quæ Abrahamo, Jobo, Tobiæ, & similibus Sanctis, afflictiones ad probationem justitiae immislas commemorant, non ad punitionem peccati, vel delinquentium purgationem. Sed & Articulus consonat septuagesimo secundo, & septuagesimotertio damnatis inter Bajanos.

Articulus septuagesimus primus summam inducit moribus corruptelam. Si enim homo ob sui conservationem potest se se dispensare ab ea lege, quam Deus condidit propter ejus utilitatem, cum omnis lex à Deo condita propter utilitatem hominis sit, facile concupiscentia inveniet obtentum conservandæ valetudinis, atque adeò vitæ, quo se homo à legibus dispensem. Sic à præcepto confitendæ Fidei coram tyranno, poterit se quilibet ob sui conservationem dispensare, etiam à suscipiendo Baptismo tempore persecutionis: ita quorundam coelum, quibus matrimonii copia non est, etiæ Religiosorum, & Sacerdotum, subinde & junctorum matrimonio, dum à conjugæ remoti sunt, excusatitur incontinentia. Dispensationibus Superiorum

*Constitutio theol. propugn. Tom. I.*